

Contact Numbers pawimav :
 DC/CCPur : 03874-234234
 SP/CCPur : 03874-236747
 Police Station : 03874-202248
 SP Control Room: 03874-233239
 Dist. Hospital Casualty : 03874-233370
 Fire Brigade : 8974 147 799/
 8258 057 887 / 8974 103 600

Hmasawwna Thar

(A N I N D E P E N D E N T D A I L Y N E W S P A P E R)
 Regd. No. RNI - 40917/89 | Postal Regd. No. MNP - 67



Justin Bieber in May 10 at Mumbai huna concert P4

Hmasawwna Thar Vol - 32/125 | Churachandpur | email : hmasawwnatharnews@yahoo.com | Phone: +91-3874-236846 | Rs 6/- per copy

Polling Personnel training nei mek



CCPUR: 11th Manipur Legislative Assembly Election 2017 hung um ding le inzawmin Polling Personnel han training an nei mek a, election huna Polling station enkai dan le thil thaw dan ding hai hrilhrina an nei. Feb. 15, 2017 hin CCPur Govt. College hmuna training sunzawm nawk ning a tih.

II, Batch V-VIII han training an sunzawm a, wawisun hin Polling Officer-III han training sunzawm nawk an tih.

Training huna hin Master Trainer 16 han training an pek a. Batch khatah SDO/AERO pakhat pei enkainna hnuoiah Master trainer 4 pein training an pek a nih.

Training hi wawisun chena dinga ti a ni a, sienkhawm mang training hun ding nia thung lo le Election duty dinga ruot thar/thlakthlang hai ta dingin Feb. 18, 2017 in training hi a hmum pangngai bawka nei nawk ning a tih.

ZMA in DC an inhmupui



CCPUR: Zomi Mothers Association (ZMA) General Headquarters chun Feb. 15, 2017 khan DC/CCPur thar Mr R. Sudhan, IAS chu a office-ah inhmupuiin ditsakna in Puon insiltirna an nei. DC an inhmupui

huna hin ZMA hotu hai bakah Only Grace Home in an sinhawna le hmalakna tum tum hai R. Sudhan hi an hriltlangpui bawka. R. Sudhan hin Feb. 2, 2017 a kha DC, CCPur sin a hung chel tan a nih.

CHANCHIN LAKTAWI CT Lian Guite in a hrilfie



CCPUR: 58-Churachandpur (ST) A/C a Independent candidate-a ngir tum CT Lian Guite chun Election-a ngir a tumna le inzawma thu inlengvel chungthuh zanikhan Zoar Veng, Bungmual-a a chengnainah reporters hai inhmupuiin hrilfienna a siem.

Solar Awareness Training

CCPUR: National Institute of Electronics & Information Technology (NIELIT), Churachandpur Extension Centre huohawtnaa Feb. 13, 2017 a inthawk Solar Awareness Training on "Off-Grid Solar PV Technology" neia um chu zanikhan zo a nitah. Training sung hin Ningombam Shyamsunder, Former Chairman, JERC (M&M), Mithilesh, Senior Research Scientist, Prakash Jha, Senior Research Scientist, P Loken, Chairman, MIDC, Y. Raghurani Singh, Retired General Manager, DDC, Babita Thangjam,

ISRO in tumkhatin Satellites 104 zet hlawtling takin a kapsuok; Tum khat thua satellite kapsuok rawn tak record thar a siem

SRIHAARIKOTA: Indian Space Research Organisation (ISRO) chun Khawvel insieng tira inthawka a vawikhatna dingin zanikhan Polar Satellite Launch Vehicle (PSLV) C37 hmangin a tumkhatin satellites 104 zet hlawtling takin a kapsuok a, tumkhata satellite kapsuok rawn tak record thar a siem. ISRO Chairman Kiran Kumar chun, an hlawtlingna chu thla-lem (satellite) kapsuok zat chau ni lovin PSLV sukhrat lemna ding a ni thu a hril a. Hlawk taka fepei pei a ni theina dingin kum khatah tum 12 a inthawk 18 inkavel kapsuok tum a nih tiin a hril.



Switzerland le United Arab Emirates (UAE) hai satellite pakhat seng le 96 hai chu United States of America (USA) an ni nih. India satellite kapsuok hai chu ISRO's INS-1A le INS-1B hai an nih.

Hlawtling taka launch-na zo ani huna Mission Control centre a scientist haiin lawmna thu an khokpui le inruolin, ISRO Chairman A S Kiran Kumar chun, "Satellite 104 hai chu hlawtling taka orbit a sie ani tah" ti thu a puong a, ISRO team le satellite hlawtling taka zo theina dinga thangna neihai po po a lawmpui thu a puong.

Tuta hma khan Russian Space Agency chun tumkhatin Satellite 37 a lo klapsuok ta a, ISRO khawmin June, 2015 khan a ruolin satellite 23 a lo kapsuok ve ta bawka. Tuta a ruola satellite 104 kapsuok hi khawvel chanchina dingin a la tam tum tak a nih.

ISRO in hlawtling taka satellite an launch thei leiin, President Pranab Mukherjee, Prime Minister Narendra Modi, Congress President Sonia Gandhi le Science and technology Minister Dr. Harsh Vardhan haiin lawmpuina thu an puong.

President Pranab Mukherjee chun ISRO in achievement ropuitak a nei

chu a suong thu a hril a, India in space tieng thlura theina suklang theia a um chu an iempui hle thu a hril. National space sukhsawwna dinga theitawp suo zawm pei dingin ISRO chu infauna a nei bawka.

Prime Minister Narendra Modi in Secretary, Department of Space inbiokpuina neiin a lawmpui thu a hril. ISRO team in khawvel chanchina dinga inchi zing tlak achievement an nei chu ropui a ti thu a hril a, ISRO in chanchin lawmum tak a siemna chu space scientific community le India tadinga uongna siem thartu ani thu a hril. Scientist hai India in inzana chibai a buk thu a

hril bawka.

Congress President Sonia Gandhi chun, Rocket pakhat hmanga satellite 104 zet tumkhat thiltlua launch theitu ISRO chu a lawmpuina thu a puong a. Khawvela thil lung hai laia hriet zing ding ani thu, India in scientific achievement tieng khawvel hmat huoiu ani thu hrilin, India scientist han India chu suongum tak ani zie an suklang a nih tiin a hril.

Science and technology minister Dr Harsh Vardhan chun, scientist han ram siemna kawnga an theina an suklangna leia lawmum a ti thu a puong a. Scientist hai chun ideas an nei hai

chu a tak ram inlungtir pei dinga hrilin, mi harsa laia harsa bik zuol hai chen an hringnun sukchangkana dinga hma la zawm dingin a fiel. Tuta satellite a ruola 104 an launch chau nilovin, Prime Minister in beiseina a nei 175 GW chu 2022 chena sukputling dingin an fui.

Hieng laizing hin ISRO chun SAARC rambung hai sawr tangkai dingin tukum March le April thla hai hin Satellites pahni, March thlain pakhat le April thlain pakhat kapsuok a tum tiin ISRO Chairman A.S. Kiran Kumar chun zanikhan reporters hai kuomah a hril a, hi thila dinga insingsatna a fe mek a nih tiin a hril bawka.

ISRO official thu-suokin a hril danin satellite pahni kapsuok ding hai laia GSVL MARK II chun SAARC satellite phur a ta, GSVL MARK III chun Communication satellite-ah GSAT-19 a kaplut ding a nih tiin a hril.

Zanita ISRO in satellites 104 a kapsuok hai le hin ISRO chun tuchena hin khawvel rambung tum tum hai ta (satellite) 179 thangin satellites 226 zet a kapluot ta a nih.

Disability hai ta dingin hni thei

CCPUR: Piengphunga ruolbanlo (Disability) hai ta dingin Feb. 20, 2017 khin People Advanced in Social Services (PASS), New Mata hmuna Aids & Appliances hnina (application) peklut thei ning a tih. Hnina petu full photo copy 1, Income le Disability Certificate hai chawi tul a ta, Hearing Aid hntu han Passport thlakak copy 2

chawi ding a ni a, Disability Certificate la nei lo han Doctor lekha chawia hmang thei ning a ta, sienkhawm hmangro sem a ni hun chena Disability Certificate an ei a tul ding a nih.

Hnina pek thei hai chu Tricycle, Wheelchair, Crutch, Blind Stick le Rotator hai an ni a, Registration fee Rs. 20/- peka hmang zieklut thei a nih.

Lui-Ngai-Ni hlawtling taka hmang



IMPHAL: Zanikhan Naga hnam hai thlaichi thlak Kut Lui-Ngai-Ni chu Imphal, Chandel, Ukhrul, Tamenglong le Senapati haiah hlawtling taka hmangzo a nih. State Level a Lui-Ngai-Ni Kut chu Tribal Research Institute, Chingmeirong, Imphal-ah

hmang a nih. Hi Kut hmangna hi Chief Secretary O. Nabakishore, Addl. Chief Secretary W.L. Hangshing, Addl. Chief Secretary Dr J. Suresh Babu, IAS, pension ta hai L.P. Golmei, Ng. Woleng le Nobert Disinang han an hmangpui tawl.

Khurai A/C ah election boruok a sosang

IMPHAL: Zanikhan Khurai A/C ah BJP candidate Yaima thlawptu le Congress candidate Ng. Bijoy thlawptu hai election thuan nasa takin an inselbuoi a,

hi le inzawm hin BJP candidate thlawptu hai laia mi 2 Police han an va man a, an hrentang leiin Khurai A/C a hin election boruok a sosang hle.

Trucks 305 Imphal an hungtlung

IMPHAL: Zani zingkar inhma taka Security Escort khau tak vengna hnuoia Jiribam suoksana Imphal hung pan Trucks 303 hai chu zani zan khan him takin Imphal an hungtlung tawl. Truck-

hai lai hin Petrol phur 25, Diesel phur 31, LPG phur Bullets 33 le FCI bufai phur 100 an thang. Tuhin Trucks 600 chungo hai chu security escort nghakin Jiribam-ah an intang mek.

Mi 170 in Nomination an file

IMPHAL: March 4, 2017 a Manipur Assembly first Phase Election hung um dinga nomination paper file chu mi 170 an nih tiin ei thu dawngna chun a hril. Vawisun hin Scrutiny nei ning a ta, candidate inhnukdawk nuomhai ta dingin Feb. 18, 2017 chemin inhnukdawk thei ning a tih. Hi zo tieng hin Assembly Constituencies 38 haia Candidates umzat indik tak

hrietieng thein a hung um chaw ding a nih.

Second Phase election March 8, 2017 ah nei ning a ta, nomination paper wawisun chen file thei ning a ta, Scrutiny 17-02-2017 ah nei ning a ta, candidate inhnukdawk nuomhai 20-02-2017 chemin inhnukdawk thei an tih. March 8, 2017 ah hin Assembly seats 22 haiah inthlangna nei ning a tih.

O. Indira a ngir tanaw ding

IMPHAL: Thoubal A/C a inthawka BJP ticket hmanga MLA election a ngir inbeisei O. Indira chun tuta tuma MLA election hung um dinga hin a ngir tanaw ding thu, a election Committee indin thick a nita thu le tu am a thlawp ding ti chu a worker-hai leh an la hriltlang ding niin zanikhan a hril. Kum 2012 Assembly

election a khan BJP ticket in Thoubal A/C a hin CM O.Ibobi Singh an khangpui a, tuta tum ruok hin chu BJP ticket a chang tanaw a nih.

Election Duty inawltir ding

IMPHAL: Feration of Government College Teachers Association (FEGOGTA), Manipur ngenna angin Vivek Kumar Dewangan, Chief Electoral Officer (CEO), Manipur chun Government College-a Zirtirtu kum 60 tling ta hai chu election duty in-

awltir a remti pek. CEO chun District Election Officer (DEO) tin hai chu hi thil hi lo bawzu seng dingin an hrietiir tawl. Principal-hai chu an College senga Zirtirtu kum 60 tling tahai hming list DEO kuoma pelut dinga inhrietiir an ni bawka.

Zomi Namni Leijangphai public Ground-ah

CCPUR: Zomi Nam Ni 2017 a vawi 69-na chu February 20, 2017 khin Leijangphai Public Ground hmuna hmang ning a tih. Program hi 11AM in tan ning a ta, P. Suanthang, Local Pastor, NTBC in tawngtaionain hun hawng a ta, Lianzalal, President, ZYA GHQ in welcome address hril a ta, Thanglianpau, President, ZRO in Zomi Flag keipharna nei a ta, B. Dongzalian Simte, Chairman, ZC a inthawk thuhiril ngaithlak ning a ta,

Rev. S. Mangminthang, MPSC, Leijangphai in tawngtainain hun hmasa khar a tih. Hi ni 1:30PM in Football le Volleyball final inkhelna hun hmang ning a ta, hun thumna zan dar 6 in tan ning a tih. Zan programme hunah ZRO President Thanglianpau Nampi Pa in thang a ta, khuollienin B. Dongzalian, Functional president in Th. Jamchinthang Simte, MDC, Thanlon thang a ta, Guest of Honour in H. Ginzamang, Retd. Director, Sericulture; Special guest in Lalropui Famhoite, Social Worker, ST Singisit, Social Worker le Lamjang Singisit, Chief of Leijangphai hai thang an tih. Zomi Council, ZYA GHQ, ZEPADA, ZMA GHQ, ZSF GHQ, ZOLLS, ZHRF, ZFC, ZBA, ZOFIDA, ZAA, Zogam Martial Arts (ZoMA), HYA GHQ, KSO Thanlon Block, KKL Thanlon Block le Kuki Inpi Thanlon hai Special Invitee in thang an tih.

UP le uttarakhand Assembly election tluong taka nei

NEW DELHI: Zanikhan Uttar Pradesh le Uttarakhand hai ah Assembly election tluong taka zo a nih. Uttar Pradesh chu Phase-II na ani a, district 11 huom sunga constituency 67 hai ah election nei a nih. Election neiina hai a chun vote a tla tha hle a ngai a ni a, zantieng dar 5:00 PM chen khan a pumpuia vote thla chu 66% niin, Phase-I a 64.22% a khum a nih. Uttarakhand chu phase khata election nei ding ani leiin, zani khan zo nghal a nih. A state pum huopa Assembly seat 70 um chu BSP



candidate Kuldeep Singh Kanwasi thina leiin, Karnaprayag constituency chu March 9 a dinga sawn ani a, seat 69 hai ah zanikhan

ngai a nih. Zanita Uttarakhand Assembly seat 69 a hin 628 candidate an um a, voter 74.20 lakh an um bawka a nih. Hieng state pahni haia Assembly election chu buoina um lova tluong taka zo an nih. Election nei hma thla iemanizat liemta a inthawk khan, election thienghlim le fel taka nei ani theina dingin thuneitu haiin hma an lo lak ta hrim a nih. Buoina suok ding vengna in Uttarakhand Assembly election nei sung po Indo-Nepal border in-fepawna chu khar ani bawka.

GAS NEWS
 Agency: SAS
 Booking: 26th. Oct, 2016.
 to 26th. Nov, 2016
 Delivery :16-02-2017 (THU)
 Time : 8AM- till stock
 STOCK : 290
 Rate: Rs. 809/-

VAWISUN THUPUI

Khawvel tawp pha chun chuongang bawk chun la um a tih; Vantirkohai chu hung suok an ta, mifel laia inthawkin misuolhai chu theng an ta, Rawtuina meia chun pei an tih; chutaka chun tap le harawt chu um a tih," a ta.

- Mathai 13: 49-50

Editorial**Thangruol ei mamaw**

Thangruol hi hratna a nih ti chu tlang hriet a nih. Amiruokchu, thangruol hi harsa ei ti em em el a nih. Thangruol hratna a nih ti hriezing si a ei thangruol thei tlat naw hi thil paw tak a nih. Thangruol hi inchuk thei a ni leiin, thangruol tumin inchuk sup sup inla nuom a um. Thlarau nei lo ranhai hman inchuktir chun thil them le thaw thei chi hran hran an nei thei. Pathien angpua siem mirheim hai lem chun ei tum a, ei inchuk chun sungkuo thangruol thei, khawtlang thangruol thei, Kohran thangruol thei, hnam thangruol thei ei hung ni thei ngei ding a nih. Ei thangruol thei pha pha leh sungkuo ngirsuok, khawtlang hmasawn, hnam hmasawn, kohran hmasawn le changkang ei hung ni ding a nih. Mimal, sungkuo, khawtlang le hnam anga ngirsuokna ding khawma a tul le a pawimaw chu thangruolna bawk a nih.

Mimalah, khawtlangah, ram le hnamah, a thangruol them them an dingchang hla a, chu chu khawvela mitin hriet a nih. Nisienlakhawm, hi thil hriezing sia thangruol thei lo an um a, chuhai laiah chun Hmarhai thang ve pal ei tih ti hi inlauum takel a nih. Hnam thang-ruol thei hai chu hnam dingchang, hnam hamtha, hnam vangnei, mihai inza, mihai enchung le tisim an ni hla. Sungkuo tin le hnam tinin sutkieng ding harsatna ei nei seng a, a thangruol themnaw hai khawmin chu chu an harsatna tuok, an sutkieng ding chu a ni el. Mani harsatna sutkiengna chang hre lo hai chu an thase pei ding a nih. Ei thase nawna dingin hma lang ei tiu.

Ei hnam sunga hotu le thuoitu hai bakah a mipuihai khawm ei inefie a tul khawp el. Indem le intumtu ringawt sinah ei nei chun ei hnam hi dam ngai naw ni a, thuse deu deu a ta, hnam danghai hmusit le sirde ei la hung ni ding a nih. Mihriem hi a hawna chengtlang le khawsa dinga siemtu Pathien mi siem ei ni a. Hnam pakhat anga ei um, ei khawsa le chengtlang ding a ni chun ei ngirsuok ding le ei hamthatna ding chu ei ni ngeiin ei ngaituo, ei rel le ei thaw a tul a nih. Ei hnam inthuruol le thangruolna dinga hin tukhawm hung inrawlnaw ni hai. Chuleiin, ei hnamin a thaw le a bawzui hi a thaw ding makmaw a nih.

Ei thangruolna ding suksetu hril ding tam tum ngei a tih. Chuhai laia a pawimaw tak pakhat chu mani tanghma sielna hi ni ngei a tih. Mimal karah, pawl hran hran karah, political party-hai karah mani tanghma sielnain kuo a suot a, mani ta dinga tha anawleh mani pawl le party ta dinga tha ding ei hnawt nasat leiin ei hnam ta dinga tha ding ei ngaitha rawp hla. Political party-hai lai hin chuongang mi chu an um nuom hle hla. Ei hnam ta ding chun a tha a, ei party ta dingin tha naw thung a tih ti dam hi a um rawp hla. Hnam thatna ding thu tha le thudik thup ti hai khawm a um hla. Hi lei hin ei inselin ei inhal hla. Hi thil hin thangruolna ding a sukchawin a suksesiet hla. Ei hnam thatna ding a ni chun pawl le party han sietpui khawm ei inhuom ding a nih. Chuongang khawpa ei thang naw a ni chun ei hnam hi che thei lo le hmasawn thei lo dinga thedarin ei um ding a nih.

MLA Election ding lai a ni bawk a. Hmar hnam han thangruol ei mamaw zuol hun lai a nih. Saikawt A/C le Churachandpur A/C haia inthlangna dinga hin ei hnamin ngirhmun pawimaw takel a hluo a, ei thangruol thei a ni phawt chun ei vote vote a tling ding a nih. Hi lei hin ei hnam sunga thuoitu han fimkhur takin hi chungchangan hin hma hung la hai sienla nuom a um. Ei thawfuk vai chun ei hnamin rawl insuo thei a ta, ei hnam mipuiin ei sawr tangkai thei bawk ding a nih. Chuhai, hi kara hin mimal lo sawr tangkai khawm bo bik naw nihai.

Thangruol ei mamaw zuol lai tak a ni leiin, Kohran pawl tum tum inthlungkhawma HCLF, Hmar Inpui, HYA, HSA, HWA etc haiin, hi chungchangan hin hma an hung lak ngei ring a ni a, chu hmalakna chu a mipui tieng khawmin an lo ngahk thup niin an lang. Ei hnamin ngirhmun pawimaw takel a chang thei hi lawm a um a, umzie bovin inliem hmagtir naw hram inla nuom a um. Mipuihai khawm hi thua hin thuoitu hai thu zawmin thangruol ngei ei tiu.

ALL INDIA RADIO: CHURACHANDPUR PROGRAMME			
Date: February 16, 2017 (Thursday)			
TRANSMISSION: FM-101.4 Megahertz			
Hours	Studio/CR/P	Programme	CD/No
5.23pm	CR/P	Signature	
5.25pm	CR/P	Vande Mataram, Time Reading, Opening Announcement & Mangal Dhvani	
5.30pm	P	PAITE Prog. Sig. Tune & Announcement Announcer: Vungthansang 1) Listener's Choice (dev)	
6.00pm	P	HMAR Prog., sig. Tune & Announcement Announcer: Lalhunsang 1) Lalsangliem Zote & partner (mod) 2) Short Play: "Youth & Violence" by K. Lalsu-ongum & party	CD-1657 CD-1618
6.30pm	P	THADOU Prog., sig. Tune & Announcement Announcer: Jamminlin 1) Listener's Choice (dev)	

Editorial Board

Lalmalsawm Sellate: Editor & Publisher

Roding L. Sellate: Jt. Editor

Ramditum @ Rama Ralsun: Asst. Editor

Lalsansuok Pulamte & Samuel Zothanglien @SZ Zote: Sports

Joseph Joute: Freelance

Lalruotlien Dulien: Computer Assistant

Edited & Published by Lalmalsawm Sellate at HT Office, Lighthouse Lane, Churachandpur and Printed by him at Lamka Super Printer, Vengnuam, Hiangtam Lamka, CCPur, Manipur.

HLA: CHEM ANG NGEI

-David Buhril

April 24, 2012 kham Aizawla inthawkin L. Keivom, a naupa David Keivom le Kei chun Sinlung Hills-a um Mauchar khuo chu ruo le riel karah lenghnawt suok ar khuong hunah zawi hnepin kan lut a. Chanchin mak le lawmum bek bek in a mi lo hmuok a. L. Keivom khawmin a vawi khat hrietna a ni ve chauh. Mauchar tlangval pakhat chu lekha inchuk dingin Shillong a pan a. EFCI Centre, Madanriting-ah an ngat niin an hril nghe nghe. Khuo le tui la maksan ngai bek lo a ni el bakah pa khawsawt mi tak chu a ni awm ie. Zo Rock haiin, "Shillong chhawthlupui eng hnuaiah ..." a ti ngei kha a hung in her suok rek chu ni ngei a ta; Sinlung Hills tlangval, Maucharpa chu beidawng khawpin khawsawtna n a tham el tah ni awm a nih. A khawsawt lungleng sahal chu a the thawl thei tak duoin tiin a tlang in bathlara inthawk chun cham le cham loin L. Keivom hla phuok "A hung suok sawrthlupui thangvana... (Ar Ang Kan Vai Laltanpui Ngaiin)" ti chu a khuongpui ar ar a. Hadamna le danglamna maktak dawng sawngin, khuoihli hna hmet te ang hlawlin a khawsawt rei ngut ngut chu a dampek deu huoi ring a um. Khawsawtpa ta ding chun an hril Kalvari tlang thlir ang ni mei a tih. Dam mawl raw se.

Hlak chu! Mauchar tlangval zing tho chu khawvel dang daiin a lo hmuok el tah. "Good morning, get out!" an ti ang deu kha an ta ie. A san ding awm reng reng hre lo kham Centre-a inthawk chun hnawt suokin a um der el ta a. "A hla sak ku kha a sak nawna ding hmuna a sak ni ta naw nim; a kaw! hna! lai elah kha a changtunu le a sunghai an um khup kha a na", an ta. An hnawt suok phing leh zana khawsawtpa kha a zinga chu mi beidawng le inwai a hung ni tah der el. A thawsuol? Suol a thaw? Mauchara Pu Zoa rawi kham L. Keivom bulah, "Pu, nangma leiin kan tlangvalpa n a tuor naw ding chen chen a tuor pha a ni kha aw", an lo la ti nawk tah deu deu. Maucharhai kham an tlangvalpa an lungsiet lutin Keivom kuomah zangnadawmna (compensation) an ngen naw chauha bak a nih. Keivom thaw suol um bawk lo kha; khik thluk el ding a vang rei ie. A changtunu, thiemthainu ti lem ei tih, an intum vak, thla var an intum vak, hmangai nurawng an intum vak, a tlawl po rau an intum vak. Vantlang hriezina (public memory) hi a lo tawi vawng chuong naw a nih ti chu Maucharah hi hla a pienga inthawka kum sawmgana, Jubilee Year-ah ka hang tawng a nih. Chu po po fun khawm tet muk chu hla hi chem hriem anga ngei le thilthawthei a nizie a nih.

Thang tam tak, Keivom le Mauchar tlangval suikhawmtu le an thlarau keimatu chu hla a nih ti chu a chieng hle; an thiemthainu himthla dang ve ve de sien khawm. Hieng tawnhriet, hlaa hlu thalai hi nuoi bo tum inla khawm, a then ta dingin lungkham bangna le lawmna, an naw le khawm beiseina khamhruoi bek la ni rawp thei a ni leiin hla phuoka lo um tahai hi vawi ipa ip bo le hnawl bo el thei a ni nawh. Edward TC Hrangate n a ruol chanpuihai leh hla an lo phuok hla chu a mi hril hla a. A huna kham hmangai tawng thar lei an naw le lungdithai le ia hla tha tak an lo phuokhai kha a then chun, khawvel a lo dang thut karah ti el ei tih, an hla phuokhai khawm hriet nuom naw an thaw naw leh an hnawt insawk el hla a ni awm.

Ka ruolpa, Boaz Leiri, khom kha an inhmangina kha inneinaa a tawp el ta naw lei kham sap hla a phuok hlawl a; Hmar hla lem chu a phuok ka la hriet noh. "It's Killing me", a ti nghe nghe. A hla phuok khawm chu Delhi nipui hnuoihai ami sakpek takluo ie. Tuorna tak a nih; an awkhluon naw kha kan vangnei pha ta lem a nih. Anachu, chuong ang hla chu a lo phuoka a nih ti chu a pawm nuom bik ve ta nawh.

Ieng lei tak am ni tang a ta? Hi khawvela hin ei hliemna le panserhai ei inthepui ta naw ding karah a tle, a fai, a n thieng, a mawi le a nal chauh hi a thaa ei ngai lei am a ni ding? Chuong thilhai chauh chu ei zawng lei am a ni ding? Muolpoho le lawm ei inlau lei am a ni ding? Ei veng seng lo ding ei veng taluot

Cabinet in Subsidiary bank 5 le SBI inzawm phal

NEW DELHI: Zanita cabinet inthung chun subsidiary bank 5 le SBI hai chu inzawm phalna a pek. Chu inzawmna chu recurring saving a dinga thaw tak niin, a kum khatna a Rs. 1,000 crore recurring deposit than thei haiin an sawr tangkai bik ding niin Finance Minister Arun Jaitley chun a hril. Hi thil thawna ding hin SBI in State bank of Bikaner le Jaipur, State Bank of Hyderabad, State Bank of Mysore, State Bank of Patiala le State Bank of Travancore hai chu a laksawng ding a nih. Hieng subsidiary bank a customer hai chu SBI global network hai hamthatna an dawng ta ding tina a nih. Hi hmalakna hin banking sector hai sukhrajin, sumdawngna tura khawm a sukmasawng pha ding niin Jaitley chun a hril.

A lungsenin a purun bil a raw

Nashik: Maharashtra a Nashik hmuna loneitu pakhat chun a lungsenin zanikhan a Purun bil meiin a raw. A purun bil rawtu hi Krishna Dongare of Nagarul a ni a, Purun man a hung tlahnuoi that leia lungsenina acres 2.5 zeta lien a purun bil hi a raw el nia hril a nih.

Mr Dongare chun, a purun bil siemna ding hin Rs. 3 lakh vel a seng a, sienkhawm purun man hung tlahnuoi bakah sumdawngtu hnam auction in

lei am a ni ding? Lemchang khawvel ei maksan nuom naw lei am a ni ding? Ei literature hi thluk khat chauh a lan tang lei am a ni ding? An naw leh, literature hi ei la nei naw lei le ei la paw naw lei am a ni ding?

Edward TC Hrangate khom thi ang dera lo um tah; vate inhran khawm ngaitha ta lo, phuok sap tum ta lo, sak tum ta lo, Zairawn, NC Hills le Guwahati chen chena khom rawngbawl phak dinga inring ta lo, thok tum ta lo reng reng kham a ramthimah (Ringnawtu Bihari sumdawng ruol in hluo a kaw rawn em) nisa tlak a lo ngahk a. Pathien remruot ni ngei a ta; ka hang kei tho a! A tho inrang baw a, a thawk inrang ie. Dam sawt raw se; mi beiseituhai ram sir ding a la tam si a. Kan band, Sinlung Express, ngirsuok tuma tui kan pal tan hlim lai a na; Platinum Star inruoi siekna leh an intawng fuk bawk. Kha zan kham Sielmatah kan inensin a, mipui lai hla kan sak tan nawk a. Pathienin mi nazawng a pek lo thil, rawl thatna le thilthawtheina malsawmna a kol a nih ti chu Edward khawmin a nakawr, a mit le a tha le zunghai po po thangruola hre nawn thei ding khawpa pholangan a umpek nawk a. Mithi khawm piengthar thei a lo ni zing. Talen a kaw chu sumpung dinga hring a nih ti chu hre thar ngei a tih. Kha zan khawm kham mi tam tak, kemit chen chauh khawvel lo pal tawt tawt tahai kha a hla saka inthok kham inhlieu dan a n chuktir nawk a ni tak. Kha zan chik taka lo thlirtu BA Thang lem chun, fiemthu-titakin, "A pheng le mitthli le hnaw hru seng lohah chu tiem lo, pastor awrden ruol ringawt khawm zahni le iemani zat zet ban pharin an lam a nih" a ti ve tlat. Chem hi hla an naw khawm ei ti nawa chu hla hi chem neka ngei lem a nih ei ti naw thei nawh.

Harsatna ruoma inthawk Pathienin thuoit suokin puitlingna lamah an chuoan kai a, thlarau malsawmna leh an thuoan a, hla a pekhai chu A beramhai khopna ding le hlimna ding a ni el el bakah "A thilthawtheina, A ropuina, A hla le A felna" phawrlangna dinga a bel lo ruothain hla tha tak an lo phuok hlahu leia ei 'kohran/pawl' inkhawm ei thalai khawm ku hi a n thuk ve hlep hlep chauh a nih. Pulpit tlang an hil nawna dinga Pathienin a ruothai chu hlami (hla phuoktu/ hla saktu) hai an ni si a. Chuong hlalai le chun Pathien leh ei inpawin ei inpawl lem tlat. Hi lei hin ni ngei a tih hla saktuhai kha Pathien thuthlung namghettei le Jerusalem kul inhlantua ruota an um san kha. Hi lei hin ni ngei bok a tih zawlnei Nehemia dam lai chen khawm hla saktuhai fak ding mipuiin an lo tumpek kha. Eini sawsaitia khom hlamihai ngirhmun siemthat le domsang chu a poimaw khop el. Hlamihai bo chun ei sawsaiti khom hi rethei le awngrawp deu ni nawng a tih ei ti ngam le. Anni bo chun ei literature hrizawl lem chu sihal ruoi sir chim thei ding tawt chauh a lo la ni el thei a nih.

Thlan maksana thonawk ang kha ei la ni si nawh. Taksa puta khuolzim, sienkhawm bei chauh hring ni lo, sungrii khawmtu hratna thahruoi chi hrang hrang mamaw ei nih. Taksa mit nek hmara rau mita thil thlir a, sumrisang anga mawina le thutak rawng chi hrang hrang inzâm chuoit elhai chu thai bo thei ta lo dinga hlaa mihriem in ei lo namdethai hi huoi le dawti thu ni loa a nina anga pom them chu a tha awm de e. Khawhngah, ei thaw mek, tu le te haiin a phuoktu an zawng buoi le inchu buoi tham chauh nei hlahu rawi ei tih.

Chun, chem tat ngei ding chun kut nei a ngai ang bawkin, ziekmi/hlami ni ding chun huoi sen a ngai a nih ti chu inhmai ruol an nawh. Mi suklawm ding ringawtin literature hlun le tlo a pieng el nawh; a pieng naw bok. Hla (Literature) hi tawnhrieta inphum, thuruk ang hliela inlang, sienkhawm ni si lo, thudik inirsuok, mihriem nun chawmtu dinga puong lang le inhlantawng pei dinga insieng a ni lem. Hi lei tak hin hnam ro a tling hla a nih. Ram, hnam, kohran ei ti khawvel po po hi hla thang loa ngir khawsuok thei ding a um nawh. Sipai nei lo rambung chun hla ruok chu a nei thung. Chemin a lak thei lo ram chu hlain a lak thei si a. (Feb. 3, 2017. Bethel)

Sasikala le a pawlhai case file khum

CHENNAI: Tamil Nadu state ruling AIADMK party sunga buoina um fe mek le inzawmin, zanikhan Koovathur police haiin Sasikala le ama tienga thang MLA hai case an zieklt khum. AIADMK General Secretary le a rawihai chu kidnapna le dan loa Tamil Nadu CM mawphurna chu anni ta anga an chalai leia case inawrtir an nih.

Madurai (South) MLA SS Saravanan in complaint a thlut dungzua case chu zieklt a nih. Thawtanni kham Saravanan chu Golden Bay Resorts a inthawk tlanhmagin DGP kuomah report a thelut a nih. SS Saravanan chu Chief Minister O Panneerselvam a tieng thang nghalin, complaint a ziek dan chun, MLA hai chu February 8 a inthawka Resort a um dinga ti an ni leiin, an hambai in a sukhadam naw hle thu a hril. Koovathur police DSP inrawina in Resort a chun chanchin enfelna nei ani a, anni nuom thu am thawluina a um ti indawna nei an nih.

Feb 26 in PM in Mann Ki Baat prog

NEW DELHI: Hung tlung ding February 26 hin Mann Ki Baat episode 29 na Prime Minister Narendra Modi in Radio fetlengin hmang nawk a tih. PM chun issues le thupui hran hran an ngaituona a nei hai hril langna nei a tih. Tuta tuma mi chu mipui ngaidan suklang ani ding leiin, ngaidan le thurawn tha

Employment News

1. Union Public Service Commission (UPSC) chun Indian Economic Service (IES) post 15 le Indian Statistical Service (ISS) post 29 lakna dingin May 12, 2017 a inthaw Indian Economic Service/Indian Statistical Service Examination, 2017 huoihawt a tum.

Inhnikna nei han UPSC website: www.upsc.gov.in ah thu chienglem hriet thei ning a ta, Online application chu March 3, 2017 chenin www.upsonline.nic.in ah peklut thei ning a tih.

Hi sin apply thei ding hai chu kum 21 tling chin le August 1, 2017 chena kum 30 a upa a ni ding ti a nih. SC/ST hai ta dingin kum 5 ngaithiem (relaxable) a nih. Fee Rs. 200/- a ni a, nuhmei candidate hai bakah SC/ST le PH candidate hai ta dingin fee pek a tul nawh.

Educational Qualification: Indian Economic Service a dingin Post-Graduate Degree in Economics/Applied Economics/Business Economics/Economics ni a tul a. Statistical Service a dingin Bachelor Degree with Statistics/mathematical Statistics/Applied Statistic subject pakhat bek la annawleh Master degree in Statistics/Mathematical Statistics/Applies Statistic ni a tul.

2. Union Public Service Commission (UPSC) chun May 12, 2017 khin Combined Geo Scientist & Geologist Exam, 2017 huoihawt a tum. Post ruok dan chu a hnuoiang hi a nih.

1. Geologist, Group 'A' Post 40
2. Geophysicist, Group 'A' post 40
3. Chemist, Group 'A' post 25
4. Junior Hydrogeologist (Scientist B), Group 'A' post 33 a nih.

Inhnikna nei han thu chieng lem UPSC website-ah hmu thei le Online Application chu March 3, 2017 chenin online in peklut thei ning a tih.

3. Indian Army hnuoihai Tradesman (Mate) Post 171 (Pay Scale : Rs.15600-39100/- Grade Pay : Rs.5400/-); Fireman post 3 (Pay Scale : Rs.15600-39100/-, Grade Pay : Rs.5400/-) a ruok. Thienna Class X le a chungtieng. Inhnikna nei han Notification insuo ni Feb. 10, 2017 a inthaw ni 21 sungin application peklut thei ning a tih. Thu chieng lem le detail advertisement chu - http://www.indianarmy.nic.in ah hmu thei ning a tih.

States 4 ah AIIMS ang facility indinna ding ram a hmu nawh

NEW DELHI: Union Health Minister J.P. Nadda chun, sawrkar thlungpuiin states 4 haiah All India Institutes of Medical Sciences (AIIMS) ang medical facilities nei indin theina ding ram a hmu zo nawh tiin zanikhan a hril. AIIMS facility ang hospital indinna ding ram hmu zo nawna hmun hai chu Bihar, Tamil Nadu, Himachal Pradesh le Assam hai an nih. Assam-a chun ram pakhat an ni a, sienkhawm National Green Tribunal a inthawk harsatna a um niin ministry thusuok chun a hril.

AI operation head Capt. A.K. Kathpalia licence suspended

NEW DELHI: Aviation regulator Directorate General of Civil Aviation (DGCA) chun Air India operation Executive Director Capt. A.K. Kathpalia chu pre-flight medical test thaw ngei ngei tul wawihni zet a zawna thawnaw leiin zanita inthawk kham a flying licence a suspended pek. Captain Kathpalia hi thla 3 sunga dinga suspended pawt a ni a, suspendedna hi Feb. 7, 2017 a inthawk tiemtan ning a tih.

Indian Commercial Pilots Association (ICPA) in Kathpalia hin wawi iemanizat pre-flight medical test a thaw tanaw nia complaint an thaw le inzawma DGCA in tha taka an suizui hnunga a flying licence hi an suspended pek a nih.

Doctor inchuklai a thisaa hmu

CHENNAI: Madurai Medical College-a Doctor inchuklai Mohammed Shaw (20), s/o Mazed of Kollam, Kerala chu zani zingkar kham a umna Hostel sungah a thisaa hmu a nih. Mr Mohammed Shaw hi MBBS second year inchuklai a ni a, ama le ama inthatt annawleh an umna hostel building sawnghina inthawka tla lum a ni ring a nih. A kut le ke haia hliemna hmu theiin a um.

Medical College-a Dean MR Vairamuthu Raju chun Mr Mohammed Shaw thi thu hi a nu le pa hai an hrietir ta a, a ruong buoiipui dingin Madurai an hung pan mek. Police han preliminary investigation an thaw dungzui chun Mr Shaw hin zingkar IAM vel kham cellphone hmanga mi an biekpui lai hmu a nih tiin a hril.

Mar 14 in Mizoram Budget Session

AIZAWL: Mizoram budget session chu hung tlung ding March 14 a tan dingin S R Zokhuma, Assembly Additional Secretary in zanikhan thusuok a siem a, Mizoram Governor Lt Gen Nirbhay Sharma (Retd) in hawngna le thurilna nei a tih. Budget session nei

hun sung ding chu Business Advisory Committee (BAC) haiin meeting an nei hunah ngaituon an tih. Governor in thurilna a nei bakah, state Finance Minister Lalsawta in BAC in a ni an ruot hunah State Annual Budget 2017-2018 pharna nei a tih.

Maoists hai ti leia vote thlak um lo

MALKANGIRI: Odisha state a Panchayat polls chu zanikhan Phase-II election nei a ni a, voters haiin Maoists hai an ti leiin Malkangiri district a booth 13 a hai chun vote thlak an um nawh. Zingkar inthawkin Bonda mipui, a tam lem Vulnerable Tribal Group (PVTG) tam tak hai chu vote thlak dingin an inltar ve tho nia hril a nih. Malkangiri district huom sunga Panchayat polls election neina ding booths 19 siem ani a, chuong hai chu security khautak venghimna a sie niin election official chun a hril. Booths 19 hai laia 13 ah vote thlak naw nisien khawm, booths 6 a hai chun voter tlawmte in an vote an thlak. Hi lai biel hi Maoist hai hratna hmun ani a, election hma ni iemanizat liemtah kham voter hai chu vote thlak lo dingin inthithaina an pek a nih. An thu zawm lova vote thlak lui hai chu a hnungzuitu a um ding tiin vauna an pek bawk. Hieng vote thlak lona booth 13 hai hi Election Commission chun thlak nawkna hun ding a la ruot ding niin thusuok a siem.

LAKTAWI

PM le Naidu hai thlal-ak peihmang dingin EC in an hriettir

NEW DELHI: Election Commission of India (ECI) chun Pradhan Mantri Awas Yojna (PMAY) website-a Prime Minister Narendra Modi le a cabinet colleague M. Venkaiah Naidu hai thlal-ak in chuona umzing chu Election Code of Conduct kal a nih tiin bureaucrats hai chu PM Modi le Naidu hai thlal-ak hi website-a inthawk peihmang dingin an hriettir.

Uttar Pradesh Assembly election nei mekah hi website haia PM Modi le Naidu thlal-ak tara um hin code of conduct a bawsiet a nih tia complaint um le inzawma Election Commission in an thlal-ak hi la tia dinga an hriettir a nih.

Nupui pakhatin nau inphir 4 a nei

DHANBAD: Feb. 13, 2017 khan Dhanbad district Bhaga an ti hmuna Laxmi Narayan Seva Sadan Hospital (Private Hospital) ah Kunti Rawani (25) chun nau a nei a, nau inphir 4 zet a nei. Naute 4 hai laia 3 pasalte le pakhat chu nuhmeite a nih. Thla kim lova pieng an ni leiin Doctors le Nurse-hai enkawlna hnuoia sie an la nih. Kunti Rawani pasal Manoj chun, ka nuhmei le kan innei hi kum 4 a pel ta a, ka bei a lo dawng sian na ta a, sienkhawm pathienin a mi lunginsiet a, kum 4 hnungah nau inphir 4 a mi pek a nih tiin a nih.

STF personnel 2 kap hlum

RAIPUR: Zanikhan Chhattisgarh-a Kondagaon district-ah Naxals helpaw-hai le Special Task Force (STF) personnel hai nasa takin an inkaptuo a, inkap-tuonaa hin STF personnel 2 in thina an tuok niin Special Director General of Police (anti-Naxal operations) DM Awasthi chun a nih.

District Police le STF joint team han Raipur-a inthawk km. 350 a hla Mardapal ramhnuoiaah dapui an thaw a, chu huna Naxal helpawl hai hin silaia an lo kap leia inkaptuona hi tung a nih.

STF kap hluma um hai laia pakhat chu Assistant Platoon Commander a ni a, pakhat chu constable a nih. Inkaptuona hmuna hin security forces tamlem tirlut an ni a, thil umdan enfel mek a ni bakah hi thu sut chena hin inkaptuona a la fe zing.

Lufthansa in India ramah low-cost international flight

NEW DELHI: German airlines Lufthansa CEO Carsten Spohr chun, Lufthansa in India rama inthawk low-cost airliner launch a tum thu zanikhan a hril a, Goa le Germany inkarah hi low-cost air service hi invuongtir an tum niin a hril. Spohr hi Lufthansa Group a Executive Board le Chief Executive Officer a ni a, Lufthansa chun Mumbai le Munich inkarah Airbus A-350 invuongtir vat a tum thu a hril baw. February 11, 2017 a inthawk khan Airbus A-350 hi Munich to Delhi inkar-ah invuongtir tan a lo ni ta baw.

Mizoram Minister pakhat an ban

AIZAWL: Nalanda Institute of Advance Studies (NIAS), Kolkata Course hran hran inchuk Mizoram students 32 hai chun an inchukna NIAS hi fake institute a lo ni leiin hasatna an tuok bakah an inchukna sunzawm thei lovin Mizoram-ah an hungkir a. Hi thubuoi le Mizoram le inzawm hin Mizoram Minister of State for Environment & Forest, Cooperation, Labour & Employment, Industrial Training, Soil and Water Conservation Lalrinmawia Ralte chu minister a ninaa inthawk an



ban. Minister sin ka chelzing chun hi thu hi zalen taka sui a ni theinaw ding a ni a; zalen tak le fel taka sui fel vat ka nuomma leia inban ka nih tiin Lalrinmawia Ralte chun a hril.

Tripura buoina-ah mi 7 hliem

AGARTALA: Zani zantieng khan Tripura-ah civil mi le BSF patrolling fe hai inkara buoina a suok leiin, BSF jawan 3 le civil mi 4 in hliemna an tuok. Tripura a inthawka Bangladesh a Bawng phurlut tumna leia buoina chu intan a nih.

Civil mi hliem hai lai chun nuhmei 2 an thang a, hmun iemanizat ah hliemna

A nauhai suolluitu Meghalaya Gov officer suspend

SHILLONG: Jowai a posting lai District Transport Officer, C. Khonglam chun kumtlinglo a nauhai (a nuhmei thar nauhai) pahni a suollui leia a sina inthawk suspend a nih. T. Dkhar, Commissioner and Secretary, Transport Department in a suspend na order an suo a, Khoglam chu sawrkar in dan a nei dungzuia a chungthu ngaituo ani ding thu a hril.

Khonglam chun nauhai kum 14 le kum 12 mi chu 2014 a inthawk July, 2015 chen khan a suollui hlak a nih. A suollui hlak lai chun ama bula khawva ve an nih. Hi suollui leia man ani hnungin, nikum May thla khan interim bail a insuo ani a, a driver Phrangchwa Muli khawm chu suollui na a chun inrawlna a nei ve niin

Zu cartons 229 zet man a nih

PATNA: Bihar a chun zanikhan Sitamarhi district-ah Indian Made Foreign Liquor (IMFL) Cartons 229 zet Special Task Force (STF) han an man. Rajaopatti hmuna Truck le Pickup motor an dapnaa hieng Zu hai hi an dapdawk a ni a, an phurna mo-

tor pahni haileh a khaltu mi pahni hail eh man a nih tiin Police thusuok chun a hril. Mana um mi 2 hai chu Karan of Rae Bareilly (Uttar Pradesh) le Raj Rai of Sitamarhi district hai an ni a, Zu bottle haia hin 'For sale in Haryana only' ti an ziek.

Pakistan-a thichil bomb puok leiin mi 5 an thi

PESHAWAR: Pakistan-a Mohmand tribal region a chun zanikhan thichil bomb a puok a, Police 3 le lampuia kea inlawm mi 2, an rengin mi 5 in thina an tuok niin official thusuok chun a hril. Thichil bomb hi Ghalanai hmuna tribal headquarters main gate bula puok a ni a, office sin thaw ding han sin an hang thaw tan ding lai taka bomb hi puok niin local govern-

ment official Hameedullah Khan chun a hril. Hi thu ei sut chena hin tu pawl khawmin anni sukpuok a ni thu an la puong nawh. Bomb sukpuoktu hi helpawl dang pakhatin a hung zui a, compound sunga lutchil a tum a, sienkhawm security forces han an dang leiin bomb hi gate bula a sukpuok niin Pakistan army thusuok chun a hril a. Bomb suk-

Hitler ang hmelput Australia-ah man

CANBERRA: Adolf Hitler ang hmelputa inchei, "Harald Hitler" nia a hming inhril chu Australia a man a nih. "Harald Hitler" chu a sam Hitler anga namina khui a, a hnerhmul khawm Hitler anga design in, a hmelput khawm chu Hitler leh danglamna neilo dinga chei a nih. Chuong anga incheiin, Hitler a thuum ang inbel bawka Nazi dictator hometown lai fena ding bik hrielo a an vir buoi vel laia Australia Police haiin an man a nih.



Khawvel huopa Hitler ngaisangtu tam takin chu lai hmun chu an ngaipawimaw a, hmun pawimaw takin an ruot a, a ramin Hitler chawisang nuomma lungril a neinaw leiin, sawrkar le mi vanglang tading khawma ngahawm um hiel chang a um hlaka hril a nih. Nazi sympathisers hai tadingin a piengna In chu pilgrimage ang hielin a um ta baw. Harald khawm chu Hitler chawisang nuomtu hai laia thang ve ni dinga ring a ni a, a chungthu chu Australia court in la ngaituo nawn dingin a sie a nih.

"Harald Hitler" chu Australia ram mi hrim ani a, April 20, 1889 a Adolf Hitler a piengna hmun Braunau am Inn flat ah a cheng a, chutaka chun hrentanga thu indawna nei ani a, Nazi ideology suklar na chu dan kalna nia hrilin 1947 Austrian law dungzuia man a nih. Mana um pa chu Hitler chawisang tumtu ni dinga a ring thu Australia Police spokesperson chun a hril a. Social media a hai a thlal-ak thedar ani hnunga mi ngaieng hlaw niin, sawrkar thuneitu haiin man tuma an zawng tan a nih. A umna

Social media a thlal-ak thenkhat chu Braunau pub hmuna an pose na dam a na, traditional garb a inthuumin loden jacket le lederhosen hai an bel a nih. Local media report in a tarlang dan chun, "Austrian mineral water" hmuna a thawkna chu thup hmangin, midang thuum le incheina entawna "Harald Hitler" nia insal niin a hril. "Harald Hitler" chu thla hmasaka kha man tah ani a, police haiin thu an suklang naw leia tu huna hi tlang hriet a hlaw chau a nih. An umna hmun Braunau chu mihrim 17,000 vel chengna town niin, German le ramri zula um a nih. Adolf Hitler a piengna hmun ani leiin khawvel hrieta inlar a nih.

AIADMK Chief Sasikala Jail a thun tah

BENGALURU: AIADMK chief V K Sasikala DA case le inzawma kum 4 sung jail intang dinga thiemnaw chang chu, zanikhan Bengaluru jail a thun ani tah. Tamil Nadu Chief Minister chel thei ding ngirhmuna um zing Sasikala hin, zanikhan a jail intang hun ding sukhu pek dingin a hni a, Court in a pawm pek naw leia in surrender a nih.



Kum 60 a upa AIADMK General Secretary hi Chennai a inthawk Parappana Agrahara, Karnataka panin central jail ah a lut ngal a nih. Jail a lut hma in court formalities le medical check-up hai thaw a nih. Sasikala le an thlata hai

chuongna car 4 chu central jail bulah hmehrietlo haiin an lo suksiet nia hril a nih. Sasikala in thubuoi a nei chu kum 20 zet liemtah a Tamil Nadu Chief Minister hlui J Jayalalitha case le inzawm pei a nih. Jayala-

Sub-centres 1.5 lakh Wellness Centre a thleng ding

NEW DELHI: India state tum tuma Health Sub-Centre 1.5 lakh hai chu Wellness centre a thleng dingin sawrkar thlungpuiin thutlukna a siem. Natna chihran hran diabetes le nene cancer, oral le cervix cancer hai hieng centre a hai

hin screening nei ni ta hlak dingin Health Minister, JP Nadda chun chanchinbumi-hai a hril. Sub-centre hai chu phase hran hrana Wellness centre a thlakhtheng ning an ti. Health budget chu kumthara dingin 27.7% a inthawk Rs. 47,000 crore a sukpong ani a, budget chu non-communicable diseases thangin Health ministry in health programme hran hran huoihawtna in hmang a tih tiin JP Nadda chun a hril.

PM le Army Chief in inzana pek

NEW DELHI: Thawleni a Kupwara district, Jammu and Kashmir hmuna helpawl le inkapna a Army martyr 4 hai chu, Prime Minister Narendra Modi le Army Chief General Bipin Rawat haiin inzana an pek. Army 4 hai chu hmun pahnia inkapna tunga that an nih. Inzana hun an hmang lai hin, Army chief chun

helpawl kaphlum hai thlawptu mipuihai chu a ngaimaw thu a hril. "Operation thaw laia le inkapna hmuna mi thlawp lova, helpawl hai tieng kawp lem chu 'overground' a pawm ning an ta terrorist hai tadinga sinthawtu a ngai ning an tih" tiin Rawat chun sipai martyr hai inzana a pek huna a hril. "Local mihai chu Paki-

Rêl lampuia bomb kamna a mawphurtu inpe

KANPUR: Kanpur Dehat hmuna Rêl lampuia bomb kamtu laia mawphurtu le thuoitu tak, Gajendra Sharma chu zanikhan East champaran district police kutah an pek. Court hmaa inlangtir ani a, judicial custody ah ni 14 sung um phawt dinga ti a nih. Police

haiin thu indawna nei an la nuom leia an hnina anga court in remtina a pek a nih. Sharma chu nikum October 1 a Indo-Nepal border laia Ghorasahan-Raxaul Rêl lampuia IED bomb kamna a mawphurtu a na, passenger 150 zet thina November 21 a Indore-

Shahabuddin Tihar jail a thawn dinga hril

NEW DELHI: Bihar a RJD thuoitu hlui Mohammad Shahabuddin chu a case chungthu fel le tha lema ngaituo ani theina dingin, Bihar jail a inthawk Tihai jail, New Delhi a thawn dingin Supreme Court in Bihar state thuneituhai thu a pek. Jail intangna sawn

dinga thutlukna siemtuhai chu Justices Dipak Misra le Judge Amitava Roy hai niin, a chungthu le inzawma trial neina hai chu Tihar jail a inthawk video conference hmanga nei dinga ti a nih. Mohammad Shahabuddin chu criminal politician

Insurance leia nau thattu nupa thubuoi siem khum

LONDON: India ram mi rambung danga um Non-Residential Indian (NRI), tuta London a khawma mek nupa tuokkhat Arti Loknath le a pasal Kanwaljitsinh Rajjada hai chu insurance dit leia an naupa an that leiin FIR file khum an nih. Thata um Gopal (13) chu an laksawng (adopt) nia hril ani a, life insurance Rs. 1.20 crore a nei chu an thlakhla leia an that a nih. Loknath hai nupa in Gopal adopt dinga thangpuitu Nitish Mund mana a um hnunga hieng thu hi hriet suok a nih. Mund chun Loknath hai nupa chu 2015 khan Gopal an adopttir a, a thatna-ah ama chu thu phieruktu tak niin, a visa a expire ta leiin India tieng a kirsan nawk a nih.

Gopal chu Junagadh district-ah hmehrietlo bike a tlan pasal pahni in February 8 khan chemte in an sun a, Rajkot hospital a thuoisnien khawm, a hringna san hman ani ta naw a nih. Gopal a thina thu police haiin an suina le inzawma Nitish Mund chu man a na, police hai hmaah thil umdang kimchang takin a puong wawng a nih. Gopal chu India a um sungin Mund a In-ah a khawma a. Mund chu ama thatna dingia lampui siemtu niin, Rs. 5 lakh hlaw dinga mi thattuahi a ruoi an nih. Hi chungthu hi chipchier taka suizuina police han an nei mek a, a nu le pa UK a um hai khawm man dan lampui an zawng mek a nih.

N. Korean leader unaupa tur-a vaihlum ni dinga ring; nuhmei pakhat man

KUALA LUMPUR: North Korean leader Kim Jong-Un unaupa (half brother) Kim Jong-Nam chu zani hmasa khan Malaysian airport-ah ringhlaum takin a thi thut a, Malaysia Police chun ringhla nuhmei pakhat manin an hrentang mek. Kim Jong-Nam hi nuhmei pahni in tur chikhat hmanga an chiu hlum annawleh damdawi chikhat a hmai an kap khum ring a nih. "Kim Chol" ti hminga Malaysia rama inzin a ni a, hi thua hin Malaysia sawrkar chun Mr Kim Jong-Nam a ni chie le chie naw a sukchieng el thei naw a, sienkhawm South Korea chun Kim Jong-Nam a ni ngei thu a puong a nih. Jong-Nam piengna pa Kim Jong-II piengchampha February 15, 2017 nia



hmang dinga insingsatna fe mek laia Kim Jong-Nam chung a hi thil hi tung a ni a, Kim Jong-Nam hin thawkkhat lai khan an rama rorelna inthlasawng (dynastic system of Power) hi a lo dodal nia hril a nih. Tuta North Korea rorelna chel mektu Kim Jong-Un le hi an ngaidan le didtan an kal a, North Korea ram ro inrel dan thlakhtheng nuom

FIELNA Hunglung ding tarik 17-02-2017 (Friday) zing dar 11:00AM hin kan naunu/kan tunu, Miss Cynthia Lalramchullo d/o (L) Mr Zolienial & Mrs Jennybert of Rengkai Muolhlum le Tv. Samuel Rolawmum Joute, s/o (L) Mr Hrangduoilo Joute & Mrs Parvulkim of Rengkai hai chu, Kohran dan thienghlimin Rengkai Gilgal ICI Biekin ah Kut insuina an nei ding a ni a. Chun, hi ni zantieng 1:00PM hin Pu R. Manlien In, Muolhlum Rengkai, Near Agape Centre-ah inthlana programme kan buotsai a, hi hun hai hi mi hung hrepuia, mi hung uop dingin ngaina takin kan hung fiel cheu. Fielthui- 1. Upa Lalmanlien (A pa Zawlpa) 2. Mr R. Manlien (A pu) 3. Mr D. Kunga (A papui) 5. Mrs Jennybert (A nu) 5. Rev. Laltholien (A pu zawlpa)

FIELNA Hunglung ding tarik 17th February, 2017 Zirtawpni (Friday) zing dar 11:00AM hin kan naupa Tv. Samuel Rolawmum Joute, s/o (L) Hrangduoilo Joute, Rengkai le Nk. Cynthia Lalramchullo, d/o (L) Mr Zolienial, Rengkai hai chu Kohran dan thienghlimin Rengkai ICI Gilgal Church-ah kut insuina an nei ding a ni a. Hi huna hung thang dingin mitin ngaina takin kan fiel cheu. Fielthui- 1. Mr Parvulkim (A nu) 2. Rev. Lienhnun (A papui) 3. Upa Vengtulien (A pate) 4. Hranghinglien (A pate) 5. Neihrang (A Pa zawlpa) 6. J. Rallien Hranggul (A pa zawlpa) 7. Samuel Zoremthang Khawbung (A Zawlpa)

SIELMAT CHRISTIAN HOSPITAL & RESEARCH CENTRE Dr Sholay MS, MCH (Urologist) pan nuomhai chun Date 18th February, 2017 zing Dar 10AM hin SIELMAT Christian Hospital-ah pan thei ning a tih. Zunlam tienga harsatna neihai tading khawmin pan thei ning a ta, operation a lo tul khawma thaw thei ngal ning a tih. Registration Fee Rs. 300/- ning a ta, ticket booking khawm 7:30AM - 6:30PM chen thaw thei ning a tih. Contact No. 919862853047

THUPUAN New Lamka, 12th February, 2017 Rev. No. 2530/SR/78: YPA General Headquarters thupuan omsa bohzuina leh YPA New Lamka Block leh Unit Joint meeting Resolution Dated 12th February, 2017 dungzui in maban a Manipur State Assembly Election ding toh kisai in hiai bang a THUPUAN bawl a hi. YPA New Lamka Block huamsung ah kuapeuh in mahni vote chiat khiak ding ahi. Midang vote himhim khiak sawm a panla omlou diingin i ki theisak ngal hi. Polling Day chiang in YPA New Lamka Block sung a Unit chih in amau Area chiat ah mohpuakna a la diing uh, vengdang/khodang mi himhim lut phallouh bikbek ahi. Ahon/pawl a vaak chih leeng khaam ahi. Polling Boot Area ah kuamah in singpi/tuilum awm lou ding in leeng iki theisak hi. Candidate kuapeuh in volunteer zang a nna semlou ding in iki theisak a, mipui patausak thei thil himhim kuamah in bawl lou a, siangthou leh zalentak a I vote chiat khiak ahihtheihna diing in pangkhawm ni. Hiai thupuan kuapeuh in zahtak a, I gam, I nam hoihna ding leh I Kristian hindan tawisang chiat diing in leeng iki ngen thakthak hi. Thupuan zahtaklou a kalsuan teitei aom leh a ki enkaei ding a, thupukna om bangbang ah a khase theikei ding. YPA New Lamka Block sik in, Sd/- S. Manlian President Sd/- Tawngsuanhau Secretary.

Supreme Court in Judges thar 5 NEW DELHI: Zanikhan Supreme Court Judges dingin mi 5 ruot balsa an ni a, hieng Judges thar 5 hai le hin tuta Supreme Court Judges umzat chu 28 a nitah. Judges thar hai laia 4 hai chu High Court Chief Justices an nih. Chuonghai chu Madras High Court Chief Justice Sanjay Kishan Kaul, Rajasthan HC Chief Justice Justice Dipak Gupta le Karnataka HC Judge S. Abdur Nazeer hai an nih. Supreme Court-a Judges um ding zat sanctioned chu 31 a nih. Judges thar 5 ruot an ni hma hin Supreme Court chun Judges 23 a nei. Chief Justice of India JS Khehar, Justice Pinaki Chandra Ghose le Justice Prafulla Chandra Pant hai chu tukuma pension ding an ni bakah a nih.

ring thu a hril. National Intelligence Service (NIS) a Director Lee Byung-ho chun, Kim Jong-Nam hi kum tam tak liemtah inthawka kha Pyongyang (North Korea) in that a lo tum tah, sienkhawm China sawrkarin a veng him a nih tiin South Korea MP kuoma a hril. North Korea chun Kim Jong-Nam thina hi North Korea nunrawng-zie pholangtu a ni el thei tiin a hril ve. Kim Jong-Nam thina hi Kim Jong-Un in North Korea ram rorelna a hung chela inthawk kum 2013 a Kim Jong-Un pate Chang Song-Thaek suklum a ni hnunga hienganga North Korea ram rorelnu sungkuo (high-profile) member sukluluma um nawkna hmasatak ni dinga ring a nih.

Justin Biebr May 10 in Mumbai-ah Concert



MUMBAI: Grammy award winner le Canadian pop star inlar Justin Bieber chu Purpose World Tour le inzawmin May 10, 2017 khin Mumbai hmuna DY Patil Stadium-ah concert a hung nei ding a nih. Kum 22-a upa Bieber hin a hla hit hieng- Where Are Ace Now, "Boyfriend", "Love Yourself", "Company", "As Long As You Love Me", "What Do You

Prince Album June ah Release Ding

LOS ANGELES: US pop singer Prince, 2016 April-a thi chu a thia inthawka kum khat le ti met June 9 khin, a album la release lo pahni le a album hlui "Purple Rain" remastered hai chu release an ni ding niin recording contract neitu Warner Bros chun a hrii. Prince hi Grammy Award 2017 Pathienni khan chawimawina pek a ni leiin, a hla hluihai le a signature album "Purple Rain" chu stream service hran hran (internet) a hmu thei dingin sie a ni bawk. Minneapolis a um Prince, kum 57, April 2016 a a thi hma chen khan, 2015 a inthawkin a hlaihi reng reng streaming thaw le digital music siem a chwawnsan tah a, a pek suok ta naw reng reng a nih. A hlawk tamlem pek an tiem leiin Jay Z ta Tidal chau an peksuoktir a nih. Prince hin kum 40 vel

Sports:

Aizawl FC le Bengaluru FC an indraw

AIZAWL: Hero I League Football-2017 inkhel meka chun zanikhan Rajiv Gandhi Stadium, Mualpui-ah Aizawl FC le defending champion Bengaluru FC an inkhel a, goal khat ve ve thunin an indraw. Aizawl FC tienga inthaww winger Brandon VL Remdika chun minutes 40-naah goal thunin Aizawl FC chu goal thun hmasa in an thang a, sienkhawm Bengaluru FC tienga inthaww Indian Football Captain ni bawk Sunil Chhetri chun chwawllaww hma minutes 45 nain Aizawl FC tieng goal khat thunin an siphur chu a hung thungkir nawk a nih. Second Half minutes 55-naah Bengaluru FC tieng chun Penalty an



hmu a, chu huna Sunil Chhetri hin penalty hi a pet a, sienkhawm Aizawl FC goalkeeper Albino chun a lo dang leiin Sunil Chhetri chun penalty hi a lost. Hi hnunga a tu tieng tieng khawm goal sut an um tanaw leiin an indraw a nih. Zanita inkhel zo a ni le inzawm hin league fe mekah Aizawl FC chun wavy 9 an inkhelnaah Aizawl FC chun point 17 hmuin League table ah pathumna an ni a, Feb. 20, 2017 khin League fe meka hmatthuoi-tu East Bengal FC inkhel-pui nawk an tih.

Gabriel Jesus: inkhelzawm thei talo el thei

LONDON: Manchester City goal thunhrat Gabriel Jesus chu Bournemouth le an inkhel tuma a ke suknat lei khan tuta season sung po inkhel thei ta loin um el thei thu a club hai chun an hrii. Bournemouth hai le an inkhel tum kham minutes 15 sung chau an khel hman hungin field a suoksan an a nih. A kepar suklika um hi Thawleni khan scan a nia, hmabak season inkhel zawm thei ta loa a um pal an inlaw hle thu City hai chun an hrii. Kum 19 chaua upa Jesus hi January thla khan City haiin Brazilian club Palmeiras anthaww £27 million in an inchwak



dawka, City ta dingin game 5 inkheltain goal 3 a thun hmanta a nih. Jesus hi City goal thun hrat Emmanuel Adebayor le Kevin de Bruyne hai dawtu dinga ngai a nia, a umnaw sung hin Aguerro in a hmun hung hluoin number one striker hmun a hung chelta ding a nih. City hai hi karthar khin Champion League last 16 first leg Monaco hai le inkhel dinga um an nia, hienga an stiker suongvavr in hliem a tuok el hi an club ta ding chun thi pawitak a hung nita a nih.

Olympic swimming champion hlui Grant Hackett police in man

Olympic swimming champion hlui Grant Hackett chu lungsen le inring takin a pa a khek khum leiin Asutralia police han an man. Amiruokchu drug prescription buina a nei leia buina hi a siem ani leiin fine um thak loin insuo nawk a nih. Grant hi doctor haia inthaww medical treatment nei zing a nia, wawituk khan buoina hung neiin treatment thenkhat thawn kan tuma chu hun um tanaw leiin police kan ko el a nih, tiin apa Neville chun a hrii. Nikum khan



Hackett hin vuongna-ah passenger hai le lo insuk buoitain ngaidam chen a lo inhi ta reng a nih. Hackett hin Sydney Olympic 2000 kham 1,500m freestyle le 4x200m freestyle relay-ah gold medal lo lain Athens 2004 kham 1500m freestyle-ah gold medal a lo lakta bawk a nih. Melbourne gambling hmuna mawilo takin um leiin rehab center um dingin kum 2014 nipui lai khan United States tieng tirkir a lo ni tah.

Adele-in Nau Le Pasal A Nei?

LOS ANGELES: Grammy Award 2017 sem huna award 5 zet laa hlawtlingtak, kum 28-a upa British singer Adele chu tamtakin nunghak amanih ei lo sawn lai, nau kum 4 mi le 'pasal' Simon Konecki nei a lo nih zing! Hi thu hi Grammy Award dawnga lawmthu a hriina le back-stage tieng a thuhriina inthawka hriet a nih.



Album of the Year award a dawng lai hin a lawmthu hriinaah a ruoltha le sungkuo hnai hai bakah a 'pasal Simon' kuomah lawmthu a hrii a. Simon le Adele hai hin an kut-te-u ve ve ah kutsebi an bun ve ve zie Staple Centre sungah hin hmu a ni bawk. Show a nei zova Press room a ruok chu Simon hi a 'partner' angin a hrii nawk. Dan ang taka an lan nei naw lei a ni el thei.

Nau an nei tah ti khawm hi tuta tum "sold-out world tour" a nei tuma a puong khan hriet a ni chau a nih. Tour zova a thaw ding an indawn a, nau pai a tum niin a hrii. "Ka naupa chu kum 4 a tling ding an taa, ka ngaiuoin ka emotional tlat a nih. Asan chu kum 4 an hung tling chun naute ang an ni ta naw a. Naute ka dit si. Chuleiin, ka phing chu naute ngaiin an rum deu a nih, naute, naute, naute ka dit" tiin a hrii a.

Tutak ruok hin chu an rai naw thu hriilin, tour a nei

zo tieng nau a pai el thei thu a hrii. "I'm not pregnant. I won't get pregnant until the end of the tour" tiin, Nashville Bridgestone Arena concert ah khan a hrii. Tour a nei zo theina leia lawmthu hriilin, "Thla 10 sungin show 107 ka nei zo hman a, 100% live wawngin. Ka thaw nasa tho a nih, thaw tak ka nih" tiin a band le rawihai kuomah

khawm lawmthu a hrii ngahl. "Zan tin, concert zatin in mi thlawp tha a, in sin i ngainaa in inpekzo a nih" tiin social media ah a post. Adele hin Grammy Award a lak hi Beyonce-in a phu lem a nih tiin a award a khawi a, Beyonce a chanve a pek a. Mitthli leh tap pumin Beyonce angainu thu tamtak an zawt a nih.

Manchester City Women in Carli Lloyd laklut

English league champions Manchester City Women hai chun World Cup-winner le Fifa World Player of the Year latu Carli Lloyd chu hun tawite sunga dingin an lo laklut tah. Kum 36-a upa Lloyd hi 2015 World Cup final-a 13-minute hat-trick a siem le inzawmin 232 international appearances-ah goal 232 a thun ta a nih. A



contracta hin City Women Championship League le FA Cup campaigns hai thangsa a tih. Winger Crystal Dunn in Chelsea Ladies a zawm le Heather O'Reilly in Arsenal a zawm hnungah Llyod hi tuta winter sunga American player han English club an zawm pathumna a nih.

Asamoah Gyan sam vaw tha dinga inhriettir



Sunderland striker hlui Asamoah Gyan chu player 40 neka tam hair style mawinaw United Arab Emirates Football Association (UAEFA) haiin an puong khum laia thang ve. Ghana striker hi Arabian Gulf League inkhel dingin Shhanghai SIPG anthaww loan in Al Ahli club pan a nia, inkhel tan hma ngeia sam vaw tha dinga warning letter peka um a nih. Hieng ang thil naupang thenkhatin football player hair style mawinaw tak tak hai an lo copy hlak leia United Arab Emirates in dan hi an lo indoung reng a nih. Sam danglam deua vavhai hi UAEFA hai chun warning letter pein, chu hnunga thu zawmlo hai chu pawisa inchwawitir le match ban hai chen pek hlak an nih. Hieng ang deu hin thenum rambung hai khawmin guideline lo siemin, kum 2012 kham Saudi Arabia goalkeeper, Islamic sakhuo le inkala hair style nei Waleed Abdullah chu referee in inkhel tan hmam a sam an lan tan tha tir nghe nghe.

UEFA Europa League Fixture Thursday 16 Feb. 2017. Table with columns: Time, Home Team, Away Team.

PREMIER LEAGUE TABLE AS ON TUESDAY 14 FEBRUARY 2017. Table with columns: Pos, Team, P, W, D, L, GS, GA, +/-, Pts.

"The Lego Batman Movie" \$55.6 Million Hmu

LOS ANGELES: Tulai chu mihriem tak siem Movie nekin animated movie ei en nuom lem tah nisien a hawi. Thil hrim hrim khawm tak nekin a lem ei ngaisang lem tah a ang bawk a. Pawisa khawm thutak nekin a der le inhlennain a siem awlsam lem a hawi.



Warner Bros-in DC comic character mihriem tak ni lo animated-a siem "The Lego Batman Movie" chu tulai Hollywood movie tharhai laia sum lam suok rawntak a nih. Tuta chwawlkâr liemtah sung ringawt kham \$55.6 million (Rs.368 crore vel) a lam suok hman a nih! No. 1 ni zing "Fifty Shades Darker" kar khata \$46.8 hmu suok phak a hung khum ta a nih. A pathumna chu Lionsgate film "John Wick: Chapter 2" a nia \$30 million a hmu phak ve a nih. "The Lego Batman Movie" hi 2014 "The Lego Movie" series a inthawka siem, mi dang dangin rawl (voice) an thaw (record)-a siem movie a nih. DC comics

characters hai animated movie niin a hmasatak hin \$469.2 million a hmu phak a nih. Animation film siemna dingin a tlàngpuiin \$800 million vel a lut hlak laiin \$200 million chau senga siem a nih. September khin "The Lego Ninjago Movie," martial movie Jackie Chan rawlin siem nawk an tih. "Fifty Shades Darker" ruok chu Universal released a nih a. "Fifty Shades Grey" sequel 2015 zulzuia siem a nih a, a siemna dingin USD 55 million chau seng a nih. A sum seng tlawm ngaituo chun a sum hui lut a tam hle a, a hlawkna an sang lem a nih. "Fifty Shades Grey" kham \$85.2 a hmu phaka a tluk naw deu a nih. India chau an nawh, US ah khawm pawisa lam suok an tak leiin mipuiin pawisa seng mei mei an nuom rak naw ning a tih, ni kum 2016 nekin tu kum 2017 opening week pawisa lam suok a tlawm lema, 3% in a tlahnuoi a nih. "The Lego Batman Movie" khawm \$60m a hmu phak ring a ni laiin \$55.6 chau a hmu phaka, a hmu rawntak chu a la nih tho.

Playboy, Saruok Thlalak Hmang Nawk Ding

LOS ANGELES: Kum 1953 a suitsuok tan, pasalhai ta ding bika siem magazine inlar em em Playboy, nuhmei nal tak takhai pholanga suklar hlak chun kum khat vel nuhmei model saruok lim (nudity/naked) chu "a thing tah" ti leia a hmang tanaw hnungin a hmang nawk ta ding niin a puong a, March/April 2017 cover girl-a dingin Elizabeth Elam hmang a ni ding thu a puong ngahl bawk.



Headline ah "Naked is Normal" tiin Elizabeth Elam saruok lim a hmang ding a nih. "Kan magazine in saruokna (nudity) a pholang dan hi a tulai a, "outdated" an nawh ti pawm hmasak a nih. Nudity hi problem a lo ni ngai nawh, asan chu problem an naw leiin" tiin Chief Creative Officer, Cooper Hefner, Playboy neitu Hugh Hefner naupa chun a hrii. "Vawisun hin kan nina indiktak nei kir nawkin kan insal thar ding a nih" tiin website ah a hrii. Internet ah free pornography a tam ta leiin nuhmei saruok lim chu a outdated tah tiin January/Feb. 2016 kham "Baywatch" star Pamela Anderson saruok a tawpna taka dingin

Thang thar pei le inthlungzawm zinga didan tharhai phur suok zing a tum ding a nih tiin Cooper chun a hrii. Playboy Mansion, Los Angeles-a Hugh Hefner (90) In kawla mi, 1960s le 70s laia party pui tak tak lo neina hlak chu \$100 million-a zawr a nih a, Hefner ruok chu a thi hma po hi Ina hin la um thei ding a nih. Playboy monthly magazine bakah, Mansion le Playboy Enterprise (sumdawng-na) pui tak tak a nei a, California ah chu pasal magazine upa pawltak le inlar pawl tak, hausa tak, tulai khawwela magazine inlar le hausatak a ni tah.

Nadal coach-a inthaww suokdaww ding


MADRID: Toni Nadal chun ATP Tour zo phat Rafael Nadal coach-a inthaww suokdaww ding thu a hrii. Nadal ngainattu le assistant coach han an dit tanawa hriet leia Toni hin Nadal hi maksan a tum nia hrii a nih. Kum 55a upa Toni hin Nadal hi tleirawlte ani lai, French Open 2005 a lak hma daia a lo inthaww-pui an tah. Tukum Australia Open final-a Roger Federer lakah an thlawm hnung khawm Toni hin player thar enkaina sin a tanta ding thu a lo hrii ta reng a nih. A hrii peinaa chun ka naupa



le kan hun hmang po po kha hun inhawitak a nia, kha sung po kha buoina kan tuok thak nawh. Amiruokchu Nadal manager Carlos Costa le Nadal pa hai larka ka thlatlum tanaw leiin kum thara inthaww chu Rafael zuita loin academy ta dingin hun po lem tang ka tih, tiin a hrii. Rafa Nadal Academy hi nikum October thla kham Nadal le a patein Mallorca khawpua in hawng a nih.

Laureus World Awards: Usain Bolt le Simone Bile hai kuomah 'Sportsman of the Year' le 'Sportswoman of the Year' inlan

Monaco khawpua Laureus World Awards sema uma chun sprinter Usain Bolt le gymnast thiem Simone Bile hai chu 'Sportsman of the Year' le 'Sportswoman of the Year' inlan an nih. Bolt hin hi award hi kum 2009, 2010 le 2013 hai kham lo dawngtain tuta hi a wawli dawngna a lo ni tah. Ama ang hin tennis legends Roger Federer le Serena Williams, chun surfer thiem Kelly Slater hai khawmin hi award hi wawli zet an lo dawng ta bawk a nih. Bolt hin wawli 8 zet Olympica champion nina a lo laktaa, Bile khawm hin wawli 4 zet Olympica gold medal a lo lak ta bawk a nih. Category danga mountain biking hrat Rachel Atherton chu 'Sport Person of the Year' award inlan a nia, ama hi rider historya dingin downhill world cup season tlun-suok suksuolna nei thak loa zotu le akar nawk ela awawilina dingin World Championship title la theitu a nih. Premier League latu Leicester City hai kuomah 'Spirit of Sport'



award inlan an nia, Leicester City hai hin nikum kham points 10in Premier League title an lak a nih. Inhlieu chwawnsan hnunga hunga hung inhnel nawk, Michael Phelps kuomah 'Comeback of the Year' award inlan a nia, Phelps hin kum 2012 Olympic zo kham inhlieu chwawlsanin nikum Rio Olympic khang hung inhnel nawk gold medal 5 zet a hung lak a nih. Formula One champion Nico Roseberg kuomah 'Breakthrough of the Year' award inlan an nia, Nico hin kum 2014 le 2015 kham a phnina ve ve hung lain nikum kham title a hung lak a nih. Award dang latuhai: Team of the year: Chicago Cubs Sportsperson of the Year with a disability: Beatrice Vio Sport for Good Award (for Sporting Inspiration): The Refugee Olympic Team Best Sporting Moment: Barcelona Under-12 team

Sania Mirza a ma taksa an langnaw el thei

HYDERABAD: Service Tax a pek nawh tia intumna le inzawma Service Tax Department in February 16, 2017 nia Tennis star Sania Mirza an hmaw inlang dinga an kona le inzawmin ama aiawtu ding midang an lang lem ring a nih tiin ei thu dawngna chun a hrii. Department hin ama taksa ngei annawleh midang ama aiawtu an hmaw inlang dinga Feb. 6, 2017 nia kha a ko le an hriettir a nih. Sania Mirza hi Australia rama a um mek a, hi taka inthaww hin USA tieng a la fe nawk

ding a ni a, hi lei hin a ma taksa chu an lang thei ring a ninaw thu dawngna chun a hrii. Telangana sawrkarin 'Brand Ambassador' dinga a ruotna le inzawma Rs. 1 crore a dawng naah Sania Mirza hin Service Tax a pekna nia intum a nih. Rs. 1 crore a dawng laia Service Tax a pek ding hi 14.5 percent bakah interest le fine khawm a peksa a tul ding a nih. Koa a umna hi a zawmnaw chun dan angin hremna pek a ni ding a nih.